

Ná kuntiaa-ún xǔ'un-ún

<https://www.consumerfinance.gov/about-us/blog/protect-yourself-financially-from-impact-of-coronavirus/>

Chintieé tá'an-ntu xí'in na ntée Washington, na xitǔ'o ve'e mií-na, na küvi cha'vi xa'á-ña

- Átu küvi cha'vi-ún xa'á kuénta ve'e-ún (ña naní tu'un sá'an hipoteca), ra átu kuvi cha'vi-ún sava-ña, ná ka'an-ún xí'in na nika-ún xǔ'un xí'in.
- **Íyo na yuví kuvi chintieé tá'an-na xí'in na ntée Washington, átu na xitǔ'o ve'e mií-na kúu-na, á nika-na xǔ'un xí'in iin banco á xí'in iinka ve'e á iinka na yuví. Na xitǔ'o ve'e kuvi ka'an-na xí'in-ntu, na DFI xí'in número **1-877-RING-DFI (746-4334)** ná ntukú-ntu naxa kuvi ka'an-na xí'in na nika xǔ'un xí'in ra ná kuntaa ini-na xa'á ntiäyu íyo-na. Átu kûni-ún ka'an-ún xí'in iin na yuví xa'á ve'e-ún, ra xa'á naxa kuvi cha'vi-ún xa'á-ña, ná ka'an-ún xí'in na chintieé tá'an xí'in na yuví ná kuiin-na ve'e-na chi kuvi chintieé tá'an-na xí'in-ún. Número-na kúu **1.877.894.HOME (4663)**. Íyo na sántikó tu'un xí'in ña uvi número.**

Nika'an na vechiñu federal iin tu'un xa'á kue'e coronavirus xí'in naxa chintieé tá'an-na xí'in na yuví (CARES) ra xí'in tu'un ikán íyo uvi ntiäyu taxi-na nta'a na nika xǔ'un xa'á ve'e-na á chá'vi-na lo'ó ka sikí xǔ'un-na chi chintieé tá'an na vechiñu federal xí'in-na (hipoteca con respaldo federal naní-ña tu'un sá'an):

1. Nta'a kíf 31 ntíkaa yóó diciembre, kuiya 2020, kuvi tava-na yó'ó ve'e-ún á kónicha'vi-ún xa'á-ña - ná ka'vi-ún tutu nuú internet www.hud.gov ná kuntaa ka ini-ún xa'á-ña. Tu'un CARES kûni kachi ña mií-na banco á mií-na nika-ún xǔ'un xí'in küvi ntukú-na kuachi xa'á-ún ra küvi ntukú-na tava-na mií-ún ve'e-ún ra küvi xiko-na ve'e-ún kí'in iinka na yuví ña.
2. Átu u'vi cha'vi-ún xǔ'un nika-ún chi xíkun kue'e coronavirus, íyo ntiäyu ntukú-ún ña maní ná taxi-na 180 kíf köxiniñú'u-ún cha'vi-ún. Ra ikán, kuvi ntukú-tuku-ún iinka 180 kíf. Xíiniñú'u-ún ka'an-ún xí'in na nika-ún xǔ'un xí'in á kûni-ún ntukú-ún ña maní. Chikaa-na ka se'e á siki xǔ'un nuú xǔ'un nika-ún (ra tá iin yóó chikaa-na siki xǔ'un xa nika'an-ntó xa'á). Kintaa-na xǔ'un nika-ún, ra kuniñú'u-ún cha'vi-ún-ña. Naní-ña **indulgencia de préstamos** tu'un sá'an.

Na kuí'na

Íyo na kuí'na na ntúkú ná kusikí-ún xǔ'un-ún xí'in-na chi xíkun kue'e COVID-19: Á kûni na yuví kusikí-na xǔ'un xí'in iinka na yuví, va'a ka koto ntosó-na ná kuntaa ini-na á na yuví xí'in licencia kúu-na. Ná ka'an-ún xí'in-ntu número 877-RING-DFI (746-4334) ikán kuvi chintieé tá'an-ntu xí'in-ún.

Naxa kuvi kuntiaa-ún xǔ'un-ún ná ntäsa kuí'na-na-ña

- Ná kuntaa ini-ún ña mií na vechiñu ka'an-na xí'in-ún xa'á xǔ'un, ra ka'an-na ña xíiniñú'u-ún chinta'a-ún xǔ'un ná ntanjí'í-ún xǔ'un xí'in-na.
- Na vechiñu ka'an-na xí'in-ún xa'á número Seguro Social ra ntukú-na kuntaa ini-na ntäa kúu número kuénta-ún nuú banco á número tarjeta credito.
- Átu ka'an iin na yuví xí'in-ún xí'in teléfono á xí'in mensaje texto á xí'in correo electrónico, ra köxini-ún yoo kúu-na, átu vä'a kúu-na, ra ikán koto ntäkuiin-ún yu'ú-na.

Coronavirus: Ña'a xíiniñú'u-ún kuntaa ini-ún á nika-ún xǔ'un xa'á nuú saku'a-a-ún

Átu kûni-ún chintieé tá'an-na xí'in-ún chi nika-ún xǔ'un xa'á nuú saku'a-a-ún ná ka'an-ún xí'in na **Íntichi xa'á Na Níka Xǔ'un xa'á nuú Saku'a-a-na** xí'in vechiñu naní Washington Student Achievement Council xí'in correo electrónico loanadvocate@wsac.wa.gov á kuvi ka'an-ún xí'in-ntu, na DFI nuú teléfono 877—746-4334 ra ntukú-ún ka'an-ún xí'in na chintieé tá'an xí'in na nika xǔ'un xa'á nuú saku'a-a-na.